

Ахсынны 9 күнүгэр Суорун Омоллоон аатынан Опера уонна балет театрыгар композитор, СР искусствотун үтүөлээх деятелэ, Республика гимнин автора Кирилл Герасимов 55 сааһын бэлиэтиир улахан түһүлгэни тэрийэр.

● **Саргылаана ДАНИЛОВА**

Урукку сылларга композитордары кытта көрүстэххэ, кинилэр эйгэлэригэр улахан болгомто ууруллубатын, айымньылары көрөөччүгэ тахсар кыахтара суобун туһунан хайдах эрэ санаа түһүлээх кэпсээннээх буолаллара. Оттон бу билигин Кирилл Афанасьевичи кытта сэнэргэһииттэн уларыйы бөҕөтө тахсыбытын, өрө көтөбүлүү баарын, композитордар үлэлэрэ республикаҕа эрэ буолбакка, аан дойду устун толорулар буолбутун истэн сэргиигин.

Бу күннэргэ Кирилл Герасимов Саха сиригэр күннэригэр кыттан кэллэ. Саха классическай музыкатыгар чэхчы да историяҕа тиһиллэр түгэннэр буолбуттар. Санкт-Петербурга Мариинскай театр концертыр саалатыгар СР симфоническай оркестра кылаабынай дирижер Фабио Мастраниело (Италия) салалтатынан композитор Герасимов «Ойуун» хореографическай поэматын үрдүк таһымнаахтык оонньоон улахан сэнгээриини ылбыт. Эбиитин аан бастаан бу концерт интернеккэ он-лайн быһыытынан быһа эфиргэ аан дойду устун көрдөрүллүбүт. Аны государственнай академическай капеллаҕа Москваҕа уонна Санкт-Петербурга Саха сиригэр филармониятын коллективтара — «Саха-басс» духовой ансамбль, «Лена-ривер» духовой оркестр, «Арко-Артико» струнный коллектив, «Баланс» балалайкаһыттар ансамбылларын концерттара улахан

# Композитор үүнэр көлүөнэҕэ бэлэҕэ



ситиһиилээхтик ааспыт. Бу концерга «Арко-Артико» К.Герасимов саха номохторунан айымньытын толорбут.

Кирилл Афанасьевич музыкальной колледжка, АГИКИ-га дирижердааһын, инструментоведение, полифония уо.д.а. предметтэри биэрэр. Онон улахан

жанрга үлэлииргэ бириэмэ тиийбэт курдук эрээри, бу кэмгэ ордук кыра жанрга инструментальной музыканы, ырыалары, романстары хото айар буолбут. Оҕо хордарыгар анаан хомурунньук, фортепиано түһүмэхтэрин таһаарбыт.

— Республикабытыгар былы-

рынгыттан государственнай филармония тэрриллэн, урукку өттүгэр саха композитордарын айар үлэлэрэ хааччактана сылдыбыт буоллабына, билигин саҕа оркестр силигин ситэн, биһиги айымньыларыбытын репертуарыгар киллэрэн сэргэхситтэ. Наталья Базалева салалтатынан улахан үлэ ытыллан, саха классическай музыкага үрдүк таһымна тахсан, пропаганда баран эрэр. Биһиги музыканнарбыт толоруулар аан дойду таһымыгар эппиэттээр буолан эрэр. Холобур, «Виртуозы Якутии» ансамблы аан дойдуга билинэллэр, олох соторутааҕыта Америкаттан улахан «фурор» онорон кэллэ. Кинилэр аан дойдуга саха классическай музыкатын оскуолатыгар интэриэһи көбүттүлэр. Холобур, мин «Якутский обрядовый танец» айымньым виртуозтарга «визитнай карточка буолла. Бэйэм уолум Афанасий Герасимов Музыка үрдүкү оскуолатын СР үтүөлээх артыыһа Лариса Габышева салалтатынан үөрэнэн бүтүрдэ, бу ансамблга 5 сааһыттан кыттан, номнуо 18 сыл дьарыктанар. Бэйэм эмиэ композитор буолан, буһан-хатан тахсыам иннинэ 18 сыл үһүйүлүүнү ааспытым. Афонялаах былырын Бүтүн Россиятааҕы куонкуруска Музыка үрдүкү оскуолатыттан квартет (икки скрипка, альт, виолончель) буолан, туох-баар Россия региона кыттыбытын кыайан, үһүс туурга биэс коллектив иһигэр киирэн, лауреат үрдүк аатын сүкпүттэрэ. Квартет мин айымньыбын эмиэ толорбута.

Оттон бу 55 сааспар үктэнэн туран көрдөхпүнэ, абыйаҕа суоҕу айдым. Онон үбүлүйдээх киэһэбэр көрөөччүлэри мин

үөрүүбүн үллэстэ кэлин диэн ыгырабын, айымньыларым нөҕүө ис санаабын үллэстиихпин баҕарабын, — диэн Кирилл Афанасьевич санаатын тиздэр.

Бу күннэргэ композиторга анаан Дьокуускайдааҕы М.Н.Жирков аатынан музыкальной колледж уонна Композитордар сойуустарын тэрийиилэринэн «Алыптаах айылбам ырыалара» диэн музыкальной оскуолалар, анал үөрэх кыһаларын ортолоругар Герасимов ырыаларын толорууга куонкурус буолар. Автор 80-ча ырыалаах, романстаах, икки хомурунньуга тахсыбыта.

Кирилл Герасимов айар киэһэтигэр бэйэтэ оркестры дирижердуо. Симфоническай оркестр, солистар — Лена, Андрей Дедюкиннар, Владимир Боярскай, «Виртуозы Якутии» кыра уонна улахан састааба, Үгкүү театра уонна АГИКИ народнай оркестрга холбоһуктаах оркестрдар, музыкальной колледж хора, опера солистара, о.д.а. кыттыахтара. Симфоническай оркестр «Музыкальной картина», фортепианолаах оркестрга концертно толоруохтара, Музыка үрдүкү оскуолатын фортепианоҕа үөрэнээччитэ Алина Дьячкова (профессор Ю.Углолова кылааһа) кыттыыны ыла. Бастагы отделениеҕа оҕолорго аналлаах инструментальной айымньылар, «Куурусса олбуругар» саҕа цикл сүрэхтэниитэ буолуо. Кэрэхсэбиллээҕэ, бу айымньы ноталаах, оҕо кырааскалырыгар уруһуйдаах туспа кинигэ буолан таҕыста. Манна автор художник Мира Аргуновалыын үлэлэспит. Кинигэ музыкальной оскуолаҕа саҕа үөрэнэн, кэрэ эйгэтигэр үктэнэн эрэр оҕолорго туһуламмыт. Дьоро киэһэҕэ оҕолорго аналлаах ырыалары сэргэ араас сылларга айыллыбыт бастыгдан-бастыг айымньылар ылланыахтара.

**Хаартыскаҕа:** Аҕа уонна уол — айар талаан утума салбанар.